

KEMAMAN



Lebih 1,000 pelajar luar bandar ikuti SAINS on Wheels

KEMAMAN - Lebih 1,000 pelajar luar bandar di Terengganu kini telah mengikuti Program 'SAINS on Wheels' yang diterajui Perbadanan Pembangunan Multimedia (MDeC) dalam usaha menarik minat mereka terhadap bidang ICT.

Menteri Komunikasi dan Multimedia, Datuk Seri Ahmad Shabery Cheek berkata, program itu dirangka khas oleh MDeC, pereraju agenda ICT nasional menerusi inisiatif MSC Malaysia.

Kata beliau, ia bertujuan mendekati pelajar dan memberi pendekahan serta menyemai minat pelajar sekolah menengah dalam bidang Sains, Teknologi, Kejuruteraan

dan Matematik (STEM) dan peluang kerjaya dalam ICT.

"Program ini selaras dengan usaha kerajaan untuk menambah bilangan pelajar sekolah menengah dalam aliran sains kepada 60 peratus dari tahap 40 peratus pada masa kini, sekali gus dapat menjamin kesinambungan bekalan tenaga kerja mahir untuk terus memacu industri ICT dan ekonomi digital negara.

"Usaha sebegini juga diharap dapat merapatkan lagi jurang antara permintaan dan pembekalan tenaga kerja mahir dalam sektor ICT kepada Pendapatan Negara Kasar daripada 9.8 peratus yang dicatat pada 2012 kepada 17 peratus

menjelang 2020," katanya.

Beliau berkata demikian ketika merasmikan program itu yang diadakan di Sekolah Kebangsaan (SK) Felda Cherul melibatkan 200 pelajar, petang semalam.

Sementara itu, Pengarah Bahagian Talent MDeC, Imran Kunalan Abdullah berkata, bidang ICT menawarkan peluang pekerjaan yang luas namun malangnya tidak ramai pelajar yang berminat untuk meneroka bidang itu walaupun anak-anak muda kini celik IT.

Sebelum ini program itu telah dilaksanakan dengan jayanya di lapan negeri iaitu Sarawak; Selangor; Kelantan; Kedah; Perlis; Negeri Sembilan; Melaka dan Johor.



Ahmad Shabery menyampaikan hadiah kepada pemenang pertandingan sempena Program 'SAINS on Wheels' di SK Felda Cherul, petang semalam.